

救偏瑣言

卷三

救偏瑣言卷之三

起脹證治準

痘之根透則爲起。囊綻則爲脹。起居先而脹繼之者也。痘初放點。其粒如菽。過及五朝前後。表裏得以無邪。痘瘡不至偏陷。縱步而出。根透囊綻。菽而至於如痘。是謂起脹。毒其盡行於肌表矣。以毒達於外。痘故得以起脹也。其象眼封鼻塞。氣尊血附。頂白根紅。白而且肥。紅而能淡。先壯如珠。身體溫和。神清氣爽。飲食二便如常。是起脹之順者也。不須服藥。

起脹時若表邪未盡。至毒不能盡行肌表。向來痰嚙稠粘。

或鼻流清涕。或面赤多淚。或面青聲重。或翁翁發熱。或
漸漸惡寒。或毫竅直豎。至此猶未霍然。痘必未能起脹。
仍必疏肌達表。而兼升發。古人言一見紅點。便忌升麻。
乾葛。不可拘也。

起脹時。若有宿食未消。致毒阻塞于內。向來胸膈不寬。按
之眉愁。口中噤腐酸臭。轉矢氣極臭。至此猶未跳脫。痘
必應至不至。仍以寬中化食。而兼升發。古人言治雜症。
一寸痘子落後一丈。不可訓也。

起脹時。表裏無邪。雖無阻礙。氣虛血弱。痘雖起脹。而少光
壯。淡白而不蒼老。眼不甚封。鼻不甚塞。腳雖不塌。頂不

能綻體靜溫和者稍稍解毒中卽當漸補氣血溫中保脾如保元湯加芎歸木香姜蠶白芷山查量用鮮薑一二味以豫防藥後泄瀉倒陷之患

起脹時有氣血虛劇不惟溫而且冷不但靜而且倦不惟白而更嫩不但不老而且皺薄項陷而兼脚癰重語聲輕眼不能封鼻不能塞淹淹不振而不起脹者卽當大劑保元湯加芎歸鹿茸以峻補氣血或丁香桂附以振作元陽參芪太重必須濟以山查以此味能行參芪之滯不減參芪之力此用藥相濟之法不可不知桂附量視緩急參芪鹿茸遲則殆無及矣此偏於不及者大畧

治法也

起脹時至若毒火猛烈更有伏火伏毒鬱于皮毛痛如膚
刺衣衾難動期雖起脹竟累日壅遏者有毒參陽位面
目焮腫而痘不腫者有毒滯于頂根起而囊不鬆者有
身之內通塞不均衝突處則重頂甚則湧泡過鬱處或
平或陷甚至連顆囊亦板實者亦有窠粒周圍貼抱一
圈狀如珠殼者有毒癰皮肉痘雖粗大板而平者此等
梟毒在于氣分不拘痘色紅與白紫與黯必用蕩滌之
劑佐以青皮赤芍荆芥牛旁木通蟬蛻用山查兩許
煎湯代水以治之重以棗蟲透發庶氣不爲毒鉤氣得

以暢達而痘起脹矣。古人言氣不可鬱，不可法也。

起脹時有諸痘未漿，并有未及放白，數點先已黃熟者，有半爲熱毒燔灼，半爲伏毒錮閉。一則鋪紅肆溢，一則痘若水珠者，有通身或紫黯，或紫艷，或焮紅，或羶紅，或晦色，或間硃砂癰點，或紫背浮萍，或失血空竅者。此等熱毒在于血分，不拘痘之日期，亦必以蕩滌爲主，佐以桃仁、赤芍、紫草、地丁、丹皮、荆芥、木通、猪尾膏、地龍以散其凝結之毒，庶血不爲毒瘀，得以通達而痘自起脹矣。古人言補血之功難，須當養于平素之說，不可泥也。

假令毒火發見于外，熱如火熾，煩渴不已，口熱如爐，不拘

在氣在血。均以石膏芩連犀角。或四聖散金汁等類。以制其陽光烈火。庶氣血兩不受炙。痘其得以起脹而榮潤矣。古人言疹愛清涼。痘要溫。不得以此痘律也。

起脹時有根起而囊少。脹起脹而或少。克。克而色或少。潤而熱有未和。是毒火未得宣暢。概以疏透清解。固無事于蕩滌。亦不必過以寒涼。尤不宜妄用辛熱。亦不當便用溫補。但以連翹牛蒡生地丹皮紅花山查甘草荊芥穗之類。稍以白芷姜蠶桑蟲占米。以催漿拓頂。火雖不熾。清之則熱得以和平。色得以滋潤。行漿而漿得以洋溢。毒雖不盛。解之則囊得以鬆泛。毒得以化漿。至收

結而不爲餘毒纏擾清鮮之法常規原以此期痘至五
六日大都起脹起脹則毒在外毒既在外而清之解之
則毒無寒凝之慮痘方起脹則漿未及行而裏未虛乘
未虛而清之解之則痘無內虛倒陷之患而孰知過與
不及不可以常理論也歟

攻毒總訣

問痘如何有用攻伏毒伏火豈堪容毒火鬆透稠無害毒
火深藏稀亦凶細窺神情暨見症察形驗色皎如星上焦
衝突如泉湧舌刺唇焦與炙同下迫小腸澀是血大腸逼
迫苦難禁拂箭皮毛痛似剝啼號不已虛中宮胸堂壅

過躁如嘔日夜無眠擾不寧痰一因之迷上竅氣椎煩悶
叩無聲靜不靜分躁不躁愁容可掬畏人親骨節煩疼腰
似杖筋抽脉惕狀如驚 徧體炎炎駭熱深更呀四體有
如水通身汗湧令人畏尤怪身焦首似蒸毒湧肌肉周身
板掀腫如吹痘却平擁突如桃名疔瘡痘瘡未見毒先行
痘未脹時面預腫額額未起眼先封 赤眼胞下邊紅絲
倒豎睜毛人未知徧軀晦滯如蒙垢口舌無皮穢氣噴兩
頰嫩紅無點粒發始牙爭舌不寧報點歪斜黑陷硬一齊
湧出細如針紫背浮萍癰似蚤犯一稀稠總不論 貫珠
攢簇又堪嗟蟹瓜遊蠶蠟土沙燕蟾二窩并鳥跡盞錢鼠

跡及螺疔。雁行珠殼。蛇皮類。履底環珠。總象形。其在部
位亦多名。覆釜蒙頭。兩截分鎖。項纏腰雙鎖。口託腮攢背。
與攢胸。披肩囊腹。咽關屬抱鬚蒙眈及鎖唇。鱗坐囊毳。暨
抱膝。隨地逢之。莫覩輕色。有紫艷有深紅。紫滯乾紅。又

不同。紫類雞冠花。是艷深。其無異絳桃紅。滯色猶如花木
筆。乾如紙色。有礬紅。若比青蓮滯更惡。椒皮乾色惡。無倫
有頂平平。若烙炮。有頂如煤類。火燒。有頂陷下。根紅腫

有頂尖圓。色紫焦痘色頗佳。多惡症。痘稀色白。見確標。飛
漿迭見黃如蠟。發泡看來似葶桃。有白有紫。有色黑。或粗
或細。毒威梟。那般痘色。那般形。見症神情。總毒伏毒伏

于內血受瘵毒伏于內氣受蝕毒輕本受氣血制慘彼氣
血亦歸毒是痘生成必內潰除却蕩滌無生路縱使不能
一一蘇舍此于中無一復前人列于不治條後人糊模傍
矩獲亦有識者謂實病悞歎嬰兒是天命天假于慮之一
得殺身惡毒容稍減惡毒驅兮氣血暢氣血融通痘自放
氣領血載功自全頂白根紅自光壯即使貫珠堆聚額亦
得鬆擡無敢抗氣煦血化漿自成不藉參芪保元神成痂
落靨無侵蝕胃自開強脾自實此痘不拘兒厚薄不拘未
痘先病弱不拘眼下便已瀉不因眼下便閉結不拘成漿
宜保脾不拘痘後須調理尋常之法治尋常不可將來抵

惡酌梟毒不驅是縱虎驅之不盡防竊發若使反以補爲
良可歎適以資盜糧有慮兒虛且傍穩坐視匍匐將入井
從來有病則病受始終細細宜詳究犯此尤當及早圖更
須絕頂方駐足但憑漿後胃日強夜卧日高猶未足落痴
體快與身涼咲口歡容無稍楚方是梟毒盡無餘纔得修
文偃却武

申明鼻衄

痘瘡鼻衄與雜症鼻衄不同雜症不過迫于肺經浮遊之
火清之立解縱有爲積熱所致勢亦猖獗者有之要無內
潰之慘痘乃先天毒火不衄則已衄則烈毒內亂五臟沸

騰致血妄行空竅點點皆毒血也非等間邪火可例勢必
蕩滌而佐以涼解庶可治其虛燄不則毒血內瘀毒瘀于
內其有不潰者乎內至于潰其有得生者乎若僅以犀角
地黃之劑而希止之是猶揚湯點沸非鍋底抽薪之法也
是症甚多以下附毒之驗總難筆記各附其一以證其概

附一治驗

余一孫女四歲戊子暮春一晚大熱如炮躁亂不寧不
逾時而衄如注血紫成條有意亂心慌之象是夜卽以
涼血攻毒飲減紅花紫草加石膏玄參地丁連殺三劑
次日午刻見嘔不紅不紫如晦色椒皮窠囊不起第二

朝衄止。熱亦減半。叫喊不已。躁亂如初。暫減石膏。用大
桑蛀同豬尾膏盞許。和于藥內。日服二大劑。服及七朝。
漸起漸紅。大便日去七八次。九朝漿行。漸入佳境。藥餌
遂懈。十朝晚身復大熱。叫喊仍不絕口。滿面搔破。猶幸
鮮血淋漓。急用胭脂調入化毒丹貼之。前方重以_五錢。
生地石膏俱兩餘。三劑後。十三朝始定。收結而痢
尚燥。寢食僅得其半。以忍冬鮮毒湯減紅花加大黃生
地十六朝收功。

申明舌刺咽乾

舌胎如刺。咽乾如炙。傷寒雜症見之。亦陽盛陰虧之象。然

扶陰抑陽其厄可解。痘瘡若見總以烈毒肆虐非僅燔炙而已也。輕則乾焦重則焦黑亦必潰而後已。總係咽喉之毒所以咽啞水噎並爲逆症。舌刺如煤者不治欲解其圍非蕩滌不可。即使攻之亦必早圖乃克有濟不當自之於泛常也。

附一治驗

徽州程季老。一公郎三歲丙戌殘冬一日大熱煩渴口熱如爐舌胎卽芒刺而黑則其咽乾可知。見點于肌肉之間隱隱若麻乾紅晦滯彷彿乎逆幸在初朝以清涼攻毒飲加蜜炙麻黃二分以隆冬也減犀角二劑細碎

者悉還。顆粒分明。又二劑。色亦稍轉。四劑。淚流如膽汁。唇漸堆結如煤。謂之鉄嘴。大便晝夜約去十餘次。一方便至六朝起脹。八朝行漿。胃氣未開。神情未快。十二朝鉄嘴鬆褪。寢食漸安。首尾一方收結成痂。以忍冬鮮毒湯。至十六朝收功。

申明溺血

痘瘡失血。列于不治。總以烈毒內攻也。况出自小腸平。故五淋惟血尤重。痘瘡犯此可知。涼血清毒。固是症之首務。而無斬關之劑。以驅逐之。縱極清極涼。僅足以緩其流。難以澄其源也。

附一治驗

七里溫廣心兄大公郎八歲出痘于乙酉仲冬值久瘧後精神疲敝飲食不思痘卒溺血如膏胸膈閉悶唇黑如煤舌胎如刺兩頰不分界地天庭明朗身上稠密乾紅腹更有紫背浮萍癍點如是毒火身反不熱內鬱故也以涼血攻毒飲大黃爲君加桃仁每劑和大桑蟲日服二大劑五朝未見轉機前方倍大黃五錢生地兩許七朝兩頰鬆透紅活成顆身體大熱餘痘亦俱紅潤腹癍漸淡前方減葛根蟬蛻紫草紅花桑蛀加黃連石膏每服調牛黃化毒丹一錢日進二服十朝漿足腹癍悉